

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1194

原始資料: 蕭鎮國大德提供, 北美某大德提供

No. 1194

妙吉祥平等觀門大教王經略出護摩儀

宋大契丹國師中天竺摩竭陀國三藏法師慈賢譯

歸命一切佛 諸大菩薩眾
我今說護摩 種種之儀式
先誦於真言 加持其鍤鑊
後應廣分別 加持真言曰

唵(引)[寧*頁]佉曩嚩蘇弟(二)娑嚩(二合)賀

誦此真言加持鍤鑊。掘護摩爐。於掘爐前先取河水盛淨器中。誦本部佛真言加持。以水灑地及淨鍤鑊灑掘爐人。灑淨真言曰。

唵(引一)阿密哩(二合)妬(二)納婆(二合)嚩野(三)吽(四)發吒(五)娑嚩(二合)賀(六引)

若依護摩法。於未掘爐前一宿。以上方明王真言加持生飯。供養土地及天龍八部。然可掘爐。其爐內土收於淨處。然於河內取砂。先以真言加持其砂。真言曰。

唵(引一)嚩蘇麼底(二)嚩蘇室哩(二合)曳(三)唵(四引)

誦此真言加持已。其砂填於爐內。次用五[聲-耳+木]七寶四鐵末擦於其上。方可用淨鑿。砌護摩爐勿用輒作。先誦金剛羯磨菩薩真言。加持淨鑿真言曰。

唵(引一)嚩日囉(二合)羯囉磨(二合二)劍(三)

如是加持已。當用淨鑿如法砌之。護摩法者說其四種。其四種者。一訕底(此言息災)二補瑟置(此云增益或云富貴)三嚩舍(此云敬愛)四阿尾左囉(此云降伏)此四護摩爐亦四種。其四種者。若求訕底當作圓爐。若求補瑟置(二合)爐如半月或作八角。若求嚩舍爐作四角。若求阿尾左囉爐作三角。此之四種隨所應作。次說護摩爐量。略有三種。第一供養爐八肘。是八角爐也。量深二肘。第二供養爐一肘半。量深一肘半。四面共六肘。第三供養爐一肘。四面共四肘深亦一肘。隨爐大小作三重緣。於爐前面第三緣上西邊。量比正半。亦用淨鑿砌作九重至上漸小。於正半右邊壘作層級。正半左邊上下直砌。爐緣三重表為三界。其九層級表為九地也。如是作已當於爐內砂上鑿下。採於七寶四鐵末五穀。想如五種子及七寶四鐵所成。七寶者(金銀真珠水精玉瑠璃琥珀)四鐵者(金銀銅鐵)五穀者(稻糯大麥菽豆油麻)其五穀四鐵末。誦毘盧佛真言加持。真言曰。

唵(引一)嚩日囉(二合)馱(二)靺鑊

誦此真言已次念四波羅蜜菩薩真言。加持七寶末。真言曰。

金剛波羅蜜菩薩。

唵(引一)薩怛嚩(二合)嚩日哩(二合二)吽(三)

寶波羅蜜菩薩。

唵(引一)囉怛曩(二合)嚩日哩(二合二)怛[口*洛](二合三)

法波羅蜜菩薩。

唵(引一)達囉磨(二合)嚩日哩(二合二)紇哩以(三合三)

羯磨波羅蜜菩薩。

唵(引一)羯囉磨(二合)嚩日哩(二合二)嚧(三)

誦四明加持已。用採爐內。應用一切香末而和於泥。加持泥真言曰。

唵(引一)嚩蘇麼底(二)室哩(二合)曳(三)室哩(二合)嚩蘇弟(四)娑嚩(二合)賀(引五)

誦此真言已。當用香泥而泥於爐。如上次第布置訖。應於爐中諦想壇場運心安布。作訖底法當想佛身形如白色。復觀己身形相亦爾。應於左手力度第二文上捻數珠。燒物供養。用水精數珠一百八個。面向東坐作補瑟置(二合)法。想佛金色自身亦爾。於願度中節內捻數。珠用菩提子一百個。面向南坐。作嚩舍法。想佛赤黃色自身亦爾。於方度中節內捻數。珠用蓮子九十個。面向西坐。作阿尾左囉法。想佛綠色自身亦爾。於力度第一文上捻數。珠用穗子七十個面向北坐。若作護摩法隨時四種所求之事。當於爐內各別想壇。隨所作部主想安中方。若於四種護摩法外。如恒常供養。中方想阿閼佛。數珠或一百八或所用不定。其上想壇法廣如大教說。如是運想已。應取吉祥草(用青妙細軟草代之)當用於八結安於爐八方。表想淨八位。又用草三結安於爐中表淨三寶位。又以吉祥草三結為一繫。三繫共九結。護摩最初燒而表淨爐法。更用草二結。一結安灌頂瓶內。一結安右手戒度上。想如護摩杵。亦表淨手法表為金剛手。其草結如金剛杵形。以四智真言加持真言曰。

唵(引一)悉馱路左[寧*頁](二)薩嚩囉他(二合)娑馱[寧*頁](三)娑嚩(二合)賀(引四)

唵(引一)計哩計哩麼麼計(二)薩嚩囉他(二合)娑馱[寧*頁](三)娑嚩(二合)賀(引四)

唵(引一)濕吠(二合)帝(二)半拏囉嚩悉[寧*頁](三)惹致[寧*頁](四)薩嚩囉他(二合)娑馱[寧*頁](五)娑嚩(二合)賀(引六)

唵(引一)哆哩(二)咄哆哩(三)咄哩吽(四)娑嚩(二合)賀(引五)

如是加持已。當取所燒柴。如法乾好者。可等於施主。一肘之手量。以香水灑之。誦毘盧真言。加持真言曰。

唵(引一)嚩日囉(二合)馱覩(二)鑊(三)

作法加持已。安柴於爐內。根梢應順用。若是刺木柴。法中不得用。如上布置已。當呪護摩柴。亦誦毘盧明。而用加持之。梵云半左薩曳囉瑟恥(二合此云五乳柴)表是五如來正種供養飯。所用五乳柴者。謂尼俱律陀樹等。此方緣無但取不凋者及無果子柴。枝條令纖細。梢根搵於酥。三杖或五枝。或二十五枝。而投於火中。想供養於佛

。當用五種穀。作法燒供養。誦金剛波羅蜜菩薩真言。先加持五穀。真言曰。

唵(引)薩怛嚩(二合)嚩日哩(二合二)吽(三)

加持五穀已。次第而供養。表是食之根酥蜜乳酪等。亦誦於金剛波羅蜜真言。先用加持之。次以五般粥護摩燒供養。五粥者謂乳酪酥蜜沙糖乳糖粥。念法波羅蜜菩薩真言加持。真言曰。

唵(引一)達囉磨(二合)嚩日哩(二合二)紇哩以(三合三)

如是加持已。表是淨供養。當以根本波羅蜜真言。加持五般飯(與五粥同)真言曰。

唵(引一)商迦哩(二)訕底迦哩(三)嚩吒[寧*頁]伽吒野(四)薩嚩囉他(二合)娑馱[寧*頁](五)娑嚩(二合)賀(引六)

加持五飯已。表法亦同前。如上依法加持訖。當於爐上想一明王。身如舍利塔。又想諸佛皆於塔內。所作護摩運心供養。然可取火。其火想隨所作。部主佛種子字為火。或用本明加持。或內想智火發大光焰。或想明王遍身火焰。變用燒物而作供養。燃其火已。或以淨水及與塗香灑火作淨。次下於水表為淨水。方用酥蜜乳酪。及五柴五穀粥飯。先各五投火中。各別供養五如來。隨彼如來各念本明。燒物供養五如來真言曰。

毘盧遮那如來

唵(引一)嚩日囉(二合)馱覩(二)鑊(三)

阿閼如來

唵(引一)惡乞葛(二合)毘夜(二合二)吽(三)

寶生如來

唵(引一)囉恒曩(二合)三婆嚩(二)怛[口*洛](三合三)

阿彌陀如來

唵(引一)阿弭多婆(二)紇哩以(三合三)

不空成就如來

唵(引一)阿謨伽悉弟(二)嚩(三)

先想供養五佛已。次下水供養。想與佛漱口。

下水真言曰。

唵(引一)訖哩(二合)嚩娜地(二)吽(三)訖哩(二合)囉鳴娜迦(四)唵(引五)

次以華供養乃擲於爐內。想華安佛頂上華供養真言。

唵(引一)薩嚩怛他誑哆(二)補瑟跛(二合)布惹(三)

次用塗香獻而灑於火中。想塗灑諸佛塗。

香供養真言曰。

唵(引一)薩嚩怛他誑哆(二)嚩馱布惹

又以香供養。想於佛鼻入供養諸如來。燒香供養真言曰。

唵(引一)薩嚩怛他誑哆(二)度播布惹(三)

次振鈴念讚或誦伽陀一切臨時。

次燒五穀。念隨所求者。部主真言加持燒物。如別無所求事。只念法舍利真言燒物。

供養真言曰。

唵(引一)達囉磨(二合)馱靺(二)誑羅陞(二合三)娑嚩(二合)賀

燒五穀已。當用酥蜜乳酪各三投火中。次應下水運想供養一如前法。次以粥供養先燒乳粥。次下燒粥隨意。當燒粥時。取八所淨器。或取八葉以塗香灑之。用粥飯盛於淨器中。以十方天真言加持。於爐八方供養十方天上下二方。心想供養十方天。明次第當說。東方帝釋天真言曰。

曩謨三滿哆沒馱南(一)印捺囉(二合)野(二)娑嚩(二合)賀

東南方火天真言曰。

曩謨三滿哆沒馱南(一)阿佉曩(二合)曳(二)娑嚩(二合)賀

南方焰摩天天真言曰。

曩謨三滿哆沒馱南(一)焰摩野(二)娑嚩(二合)賀

西南方羅刹主天真言曰。

曩謨三滿哆沒馱南(一)銘伽舍曩野(二)娑嚩(二合)賀

西方水天真言曰。

曩謨三滿哆沒馱南(一)嚩嚩拏野(二)娑嚩(二合)賀

西北方風天真言曰。

曩謨三滿哆沒馱南(一)嚩野吠(二)娑嚩(二合)賀

北方毘沙門天真言曰。

曩謨三滿哆沒馱南(一)吠室囉末拏野(二)娑嚩(二合)賀

東北方伊舍那天天真言曰。

曩謨三滿哆沒馱南(一)伊舍娜野(二)娑嚩(二合)賀

上方梵天真言曰。

曩謨三滿哆沒馱南(一)沒囉(二合)憾麼(二合)野(二)娑嚩(二合)賀

下方地天真言曰。

曩謨三滿哆沒馱南(一)必哩(二合)替尾曳(二合二)娑嚩(二合)賀(二合)賀

此等十方天。先於爐八方。安置八坐位。梵天地天等。於爐上下想。然以瓶內水。瀉供養飯內。次用香華塗。香隨位而供養。各念本真言加持供養物。本明誦三遍安於本方位。然可燒粥供養。燒粥已。酥蜜乳酪等。各三投火中。下水次第一如前法。次以飯供養先燒於乳飯。次酥後酪飯。如是燒飯已。酥蜜乳酪等。各三投火中。下水

次第並同前法。又以護摩柴。梢根搵於酥投於火中。又用酥蜜乳酪。各三投火中。如是次第訖然後起立。手執酥器并護摩匙。振鈴念誦。用酥瀉於火中。所有隨喜人。各令塗手執華候念讚瀉酥訖。各擲華於爐內。往火壇禮拜表供養圓滿。次用淨帛揩酥覆火燒之。想為佛衣如上了畢。應用淨瓶繞爐下水。再想漱口作淨。若作護摩時。運想應志心。供養勿須忙。所抄供養物。如菴摩羅果子許(此方如杏子大)所說護摩壇。當知七佛舌。俱抵諸天口。一切供養中。護摩最為上。所有燒不盡。五穀粥飯等。更用別飲食。及諸華果實。共盛一器中。用塗香灑之。復用燒香熏。先作鉤召契。三昧耶蓮華。及金剛縛印。次下水半振鈴念加持飯真言。想供養天龍八部及火壇外諸天。運心皆供養。如是護摩供養已。然後奉送諸聖眾。所集祕密殊勝福。普霑一切諸含識。

妙吉祥平等觀門大教王經略出護摩儀